

欽定大清會典事例

欽定大清會典事例卷四百六十五

禮部

喪禮

仁宗睿皇帝大喪儀二

嘉慶二十五年九月初一日奏准十月初一日  
頒朔尚在大事百日之內惟恭值

御極之始。

頒賜初元正朔所有是日受朔之王公百官及執事各  
員仍照常例穿朝服行禮。至次年

頒朔係在期年之外應照嘉慶五年

頒朔穿朝服例辦理。初五日奏准。

升祔

太廟神牌。及供奉

陵寢饗殿神牌。請交工部於

山陵配殿豫期恭造。其

升祔

奉先殿神牌。於

奉先殿神庫內恭造。是日定

大行皇帝陵為

昌陵。○初七日

諭。恭理喪儀。著添派曹振鏞黃鉞。○初九日

諭。恭理喪儀。著添派禮部尚書穆克登額。是日。行啟奠禮。用楮錠三萬。楮錢三萬。色楮五萬。饌筵二十一席。酒十一尊。羊九。讀文齊集。陳設禮儀。與殷奠同。○又奏准。大祭禮後。

皇帝間一日親詣

殯宮奠獻一次。二滿月後。間二日

親詣一次。百日後。間三日

親詣一次。其餘之日。每日三次供獻。應派王大臣奠酒。

奉

御筆圈出十四員輪班奠酒。○初十日。奉移

梓宮暫安於

觀德殿。五鼓。鑿儀衛官校陳設。

法駕鹵簿。上駟院備馬四十四匹。駝包十八副。恭理喪儀王大臣。率執事官校入。徹黃幔素帷。供牀香案等件。豫送。

殯宮。工部陳大昇輦及小輦於

景運門外。校尉民夫均服其服。分班立俟。禮部尚書奏時。

宣宗成皇帝詣

梓宮前哭。執事官進奠几。

宣宗成皇帝祭酒三爵。每祭行一拜禮。興立於左。恭理喪儀王大臣內務府工部鑾儀衛大臣率執事官及穿駕衣校尉入內。進小舉。恭奉

梓宮起行。

宣宗成皇帝恭導

梓宮出

乾清門中門至

景運門外。登大昇輦。

宣宗成皇帝於東北隅西嚮跪。禮部堂官祭舉。祭酒三爵。每祭行一叩禮。衆隨行禮畢。焚楮錢三千張。

初班校尉并行。

法駕鹵簿前導。

靈駕啟行時。

宣宗成皇帝興於

靈駕左步行恭送。後扈人員隨行。

皇長子及近支王等。

御前大臣侍衛近前行走人員亦隨行。

靈駕出

東華門換二班時。

宣宗成皇帝西嚮跪。眾皆跪。

靈駕啟行。

宣宗成皇帝跪候過輿。步送至

觀德殿。所有應行齊集人員。直班內大臣侍衛於  
乾清門外按班集候。王以下。至奉恩將軍開散宗  
室覺羅等。於

東華門外按翼齊集。內務府官員在北池口外齊  
集。左翼大臣官員等在北池口內齊集。右翼大  
臣官員等在風神廟大街齊集。漢大臣官員等  
在沙灘齊集。皆候

靈駕至舉哀跪迎。候過隨行。附近



梓宮行走之王公大臣等。由該衙門奏派。恭理喪儀。王大臣。禮部。工部。內務府。堂官。在

梓宮兩旁隨行。恭昇

梓宮人等。共分六班。班各八十人。每班外豫備八人。初班末班俱用校尉。其餘四班用民夫。均穿駕衣。分班恭昇。頭目四人。服喪服。擊響尺。每班派公侯伯頭等待衛以下。參領。輕車都尉以上。並給事中。御史。郎中。員外郎等官八員管轄。派鑿儀衛官四員。指示進退。換班行走。并引播人等亦分六班。班各三十二人。每班外豫備四人。俱穿

駕衣。幫助牽引幡繩。每班部院官四員。包衣官四員管轄。所過門橋。派內大臣祭酒三爵。每祭一叩興。焚楮錢。喇嘛一百八衆。豫往。

殯宮大門外西旁。恭迎。

梓宮。並豫設鷹狗於大門外。派包衣官員由

東華門揚撒楮錢。

梓宮至。

殯宮大門前。降大昇輦。登小輦。

宣宗成皇帝於門外之左。跪迎哭。衆皆跪哭。校尉恭昇梓宮入中門至。

殯殿。

宣宗成皇帝隨入立於殿檐東。恭理喪儀王大臣率官

校入奉安

梓宮於殿之正中。設黃幔素帷。照常安設供牀香几香

案把蓮銀五供。

皇長子近支王等位階下。

皇長子在惇親王瑞親王惠郡王之次。近

御王大臣等於大門內。王公至奉恩將軍大學士至副

都御史領侍衛內大臣。公侯伯子男。至副都統

閒散宗室覺羅蒙古王台吉等於大門外東旁。

其餘官員均在

景山東門內排立舉哀。

梓宮奉安畢。

宣宗成皇帝詣奠位。祭酒三爵。每祭行一拜禮。衆皆隨行禮畢。焚楮錢。引幡隨同焚化。闔門哭止。每日三次照常供獻。大祭以前。每日三次陳設

法駕鹵簿。大祭禮後停止。遇祭日仍陳設。大祭禮後。三時供獻。另派王等輪班奠酒。百日以內。內府三旗佐領管領下官員護軍領催拜唐阿。分作六班。一旗一佐領作一日。一旗一渾托和作

一日。輪班於三時供獻時。齊集舉哀。十一日  
諭。本月二十五日係

皇考大行皇帝二滿月禮。朕於天明親往祭奠。是日晚  
放約噶。朕躬親拈香。即駐蹕永思殿。二十六日早奠。  
禮成後還宮。○又奉

旨。各衙門應行引見人員。著於九月十七日起。每日俱  
在中正殿雨花閣東北角門外豫備。於西廠幄次帶  
領引見。百日後再候諭旨。○是日。行初祭禮。用楮錢  
一。楮錠二十萬五千。楮錢十四萬五千。色楮五  
萬。畫緞一萬端。饌筵八十一席。餼食九。酒四十

一尊。羊二十七。讀文齊集。陳設禮儀。與殷奠同。  
○十二日。繹祭。遣官行禮。用楮錠二萬。楮錢一  
萬。祭筵十一席。酒五尊。羊五。禮部工部內務府  
光祿寺堂官各率屬將事。致祭陳設如儀。○十  
六日。行大祭禮。列羊酒饌筵各祭物如數。讀文  
齊集。陳設禮儀。與初祭同。○十七日。繹祭。遣官  
行禮。儀與初祭次日同。○自是日起。照例漆飾  
梓宮四十九次。○二十五日。行二滿月禮。用楮錠二萬。  
楮錢一萬。饌筵十一席。酒五尊。羊五。齊集致祭。  
儀與初滿月同。惟不讀文。以後凡滿月禮均仿此。○十月

初六日。

大行皇帝聖誕。

法駕鹵簿全設。

宣宗成皇帝於朝奠前卯刻先詣

觀德殿。孝服上香行禮。停止舉哀。齊集之王公大臣官員未釋服者仍穿孝服。已釋服者咸素服。摘纓。隨行禮。其朝脯日中三奠。仍照常供獻。是日。適值二滿月後間二日。

親詣奠獻日期。

宣宗成皇帝上香行禮畢。至

永思殿少俟屆時詣

几筵前行朝奠禮。○十八日。以二十一日巳時恭上

尊諡

宣宗成皇帝素服冠緌纓緯前期齋戒。○二十日遣官

告祭

天

地

太廟後殿

社稷承祭大臣及執事官均朝服告祭

奉先殿承祭大臣及執事官均補服。○二十一日早陳



法駕函簿於

觀德殿大門外。執事各官暨齊集之王公大臣官員等。均素服冠纓。內務府太常寺官設祭品。陳帛爵。點香燭。設

冊

寶案於

梓宮前。

冊案在左。

寶案在右。設香案於

冊

寶案稍前正中。設祝案於右。再設一案於東旁。豫備獻舉以前。安供香。

冊香

寶。又設一案於東旁稍次。豫備奠獻以前。安供帛爵。鴻臚寺同工部官於

太和門階上正中。設黃案二。

冊案在左。

寶案在右。鑾儀衛官設黃亭二於階下正中。

冊亭在前。

寶亭在後。禮部堂官二員。豫奉絹

冊絹

寶並匣。安設於黃亭內。執事大臣官員等序立於階下之左。內閣大學士二員自內閣恭奉香

冊香

寶並匣由中階上。奉安於各案。自匣內請出。行一跪三叩禮。退。立於階下之左。鑿儀衛官豫設拜褥於太和門正中。屆時。

宣宗成皇帝素服冠纓。乘輿出

乾清宮。由

中左門至

太和門北階降輿。禮部堂官導引。由

太和左門出。詣案前北面立。恭聞

冊

寶畢。就拜位行三跪九拜禮。轉立東次。大學士二員。詣

冊

寶案前。仍安於匣內。各行一跪三叩禮。興。恭奉

冊

寶由中階下。安設於各黃亭內。復行一跪三叩禮。禮部

堂官奏禮成。

宣宗成皇帝乘輿還宮。校尉昇亭。

冊前

寶後由中路出。導以

御仗二。黃蓋一。執提鑪侍衛一對。派出前引堂官  
二員。同前引十大臣並引導侍衛十對。禮部司  
官十員前行。豹尾槍侍衛並奉

冊

寶之大學士暨執事官。在黃亭後隨行。王以下。入八分

公以上於

協和門外校翼排立候

冊

寶亭至。皆跪。候過隨行。出。

東華門。未入八分公以下。四品官員以上。豫集。

景山大門外。候。

冊

寶亭至。跪迎。黃亭至。

觀德殿大門外止。黃蓋。

御仗俱止。大學士二員各詣黃亭前行三叩禮。大

學士恭奉香。

冊香

寶。禮部堂官恭奉絹。

冊  
絹

寶。前引十大臣暨派出前引官前引。由中門中路行至  
月臺下。前引十大臣止於階下排立。派出前引  
官二員。引至殿門外止。大學士奉香

冊  
香

寶入殿中門。並陳於東旁黃案上。禮部堂官恭奉絹

冊  
絹

寶。陳於

冊

寶案上。各行三叩禮出。太常寺司拜禱官。據設拜禱於

行禮處。欽天監官報時屆。

宣宗成皇帝服縞素。乘輿出宮。至

觀德殿外降輿處降輿。執事各官暨齊集之王公大臣官員等均素服摘纓。贊引對引官恭導

宣宗成皇帝入殿。就正中拜位前立。鴻臚寺引王以下入八分公以上。按翼由大門東西旁門入。立於階下。未入八分公以下。滿漢文武四品官以上。在大門外按其排立。典儀官贊執事官各司其事。贊引官奏就位。

宣宗成皇帝就拜位立。司香奉香進。贊引官恭導



詣香案前立。司香跪。贊引奏跪。

宣宗成皇帝跪。奏上香。司香進香。

宣宗成皇帝受香盒拱舉。仍授司香興。三上香。奏復位。復位立。奏跪拜興。

宣宗成皇帝率羣臣行三跪九拜禮興。贊引奏跪。

宣宗成皇帝跪。羣臣皆跪。典儀贊進

冊。大學士自東案奉香

冊跪進於左。

宣宗成皇帝受

冊拱舉。授左旁禮部堂官。禮部堂官跪接興。陳於案。跪。

三叩興退贊進

寶。大學士跪進於右。

宣宗成皇帝拱舉授右旁禮部堂官。禮部堂官跪接。均

如前儀。典儀官贊宣

冊宣

冊官詣案前跪將絹

冊自匣奉出。宣畢。典儀官贊宣

寶宣

寶官詣案前跪將絹

寶自匣奉出。宣畢。同安於匣內。包裹畢。各行三叩禮退。

贊引官奏拜興。

宣宗成皇帝行三跪九拜禮。衆皆隨行禮興。典儀官贊奠帛爵。行初獻禮。獻帛王奉帛匣跪。供於正中案上。行三叩禮退。獻爵王奉爵立。獻於供案正中退。讀祝官詣祝案前。行一跪三叩禮興。奉祝文於祝案之東跪。贊引官奏跪。

宣宗成皇帝跪。衆隨跪。贊讀祝。讀祝官讀文畢。奉祝文跪安於帛匣內。行三叩禮退。贊引官奏拜興。

宣宗成皇帝行三拜禮。衆皆隨行禮興。典儀官贊行亞獻禮。獻爵王奉爵立。獻於供案之左。典儀官贊

行終獻禮。獻爵王奉爵立。獻於供案之右。贊引  
官奏跪拜興。

宣宗成皇帝行三跪九拜禮。衆隨行禮。典儀官贊奉祝  
帛

冊

寶恭送燎位。宣

冊

寶官奉祝官奠帛。王詣各案前跪。俱行三叩禮興。各奉

祝帛絹

冊  
絹

寶依次恭送燎位。贊引官對引官恭導。

宣宗成皇帝轉立東旁。鋪拜褥官跪起拜褥。俟祝帛

冊

寶由殿門出。前引十大臣暨派出前引官二員接引。鋪

拜褥官仍跪鋪拜褥。贊引官恭導。

宣宗成皇帝還位立。鴻臚寺官引王公百官於兩旁避立。贊引官奏禮成。同對引官恭引。

宣宗成皇帝由殿至左門外。乘輿還宮。衆皆退。翼日頒詔。布告天下。○十一月初三日。行百日禮。用楮錠五萬。楮錢四萬五千。色楮二萬。饌筵二十五席。酒十

三尊。羊九。

法駕鹵簿全設。讀文齊集。陳設禮儀。與初祭同。  
是日行禮後。

宣宗成皇帝請髮。王公官員軍民人等俱行薙髮。

宣宗成皇帝易素服。冠緌纓緯。遇詣

几筵前。仍服縞素。王公百官易藍袍青褂。隨

駕詣

几筵前時。仍穿青袍青褂。冠摘纓。十三日。

宣宗成皇帝豫詣

几筵前行禮。十七日冬至。因致齋三日。奏准移前。用楮錠五萬。楮錢五萬。

饌筵三十一席。羊九。酒十五尊。

法駕鹵簿全設。讀文齊集。停止舉哀。餘儀與初祭同。○十二月十三日奏准。

梓宮在殯。歲暮致祭。因值祫祭。

太廟。係

親詣行禮。前期致齋三日。致齋之先一日二十五日。又值

几筵前行五滿月禮致祭。二十四日係雙日。謹擬請

皇帝於二十三日詣

几筵前行歲暮禮。○二十三日。行歲暮禮。用楮錠五萬。

楮錢五萬。色楮五萬。饌筵三十一席。羊九。酒十五尊。

法駕由簿全設。讀文齊集。陳設禮儀。與初祭同。



欽定大清會典事例卷四百六十六

禮部

喪禮

仁宗睿皇帝大喪儀三

道光元年正月初一日。

宣宗成皇帝詣

几筵前行禮。恭理喪儀王大臣及隨扈執事人員均穿藍袍紅青褂。應穿貂褂者穿貂褂不挂朝珠。司拜褥官豫設拜褥於殿內正中。

宣宗成皇帝於

永思殿更素服冠綴纓緯。至

觀德殿西角門外降輿入。升自東階入殿左門至  
拜位。行三跪九拜禮畢。出殿左門。降自東階。至  
乘輿處。乘輿還宮。是日三次奠獻。仍由輪班奠  
酒之王等行禮。停止舉哀。○十三日奏准派出  
守護

昌陵之王大臣侍衛等應令於

梓宮奉移之前一月先往

昌陵居住。敬謹守護。○十四日

諭據禮部奏奉移

仁宗睿皇帝梓宮。請循舊儀。步送至景山東門外。乘輿

由間道先詣第一站大營等候等語。朕追慕

皇考深恩。昊天罔極。今日月有時。

山陵之禮已屆。哀號攀戀。曷能自己。觀德殿至景山東門。路在咫尺。瞻仰

靈輦。甫經引綽。若循照舊儀。在此跪送。於心實所難安。所奏著不准行。朕必當躬親步送。至阜成門外。藉以稍伸哀悃。○十七日奏。向例

梓宮奉入

地宮。侍衛執鐙前導。嘉慶四年。

高宗純皇帝梓宮奉入

地宮時

仁宗睿皇帝躬引

梓宮龍轎循軌行。太監執鐙前導。奉

旨。著用太監。又王大臣等奏稱。奉移

梓宮計由

景山東門至阜成門。須繞道經

景山外垣之北出

地安門路已三里而遙。若再繞至阜成門。則不啻

數倍。懇請仍循舊儀。步送至

景山東門外。稍減步履。以慰

在天之靈奉

諭朕受

皇考高厚深恩。瞻依罔極。即步送至阜成門外。亦豈足  
盡哀戀之忱。今王大臣等諄詞籲懇。若依所請。祇送  
至景山東門而止。朕心實所難安。念從前奉移

皇祖高宗純皇帝梓宮時。

皇考躬親步送至東安門外。敬溯

舊儀。朕亦不敢過禮。此次奉移

皇考梓宮。朕當步送至地安門外。跪俟

靈輦經過。再由開道先赴大營。祇候跪迎。藉以稍伸哀

幕王大臣等不可再行瀆請。○二十七日朝鮮國使  
臣恭詣

几筵前進香行禮。

法駕鹵簿全設工部設幕於

觀德殿二門外之西置奠几陳燎牀於燎所設祭  
文案於

殯宮西檐下讀祝官恭奉繡譯清字朝鮮國祭文設於  
案王以下奉恩將軍以上民公侯伯以下滿漢  
文武四品官以上均齊集按奠序立朝鮮國使  
臣等素服鴻臚寺官引立於右翼之末內務府

官陳祭品。點朝鮮國所進香燭。鴻臚寺官引朝鮮國使臣等至儀仗之南北嚮立。鳴贊官贊行三跪九叩禮畢。退立原班。咸舉哀。俟進饌畢。讀祝官詣黃案前。奉祭文至檻外正中嚮上立。內務府官進奠几於階下正中。祭酒大臣至奠几前嚮上立。鴻臚寺官引朝鮮國使臣等仍於原行禮處北嚮立。讀祝官跪禮部堂官二員跪展祭文。祭酒大臣並齊集之王公官員及朝鮮國使臣等跪。哀暫止。讀祝官讀文畢。復陳於黃案上。舉哀如初。祭酒大臣祭酒三爵。每祭行一叩。

禮衆皆隨行禮。朝鮮國使臣等亦隨行禮畢。興  
鴻臚寺官贊朝鮮國使臣等復行二跪六叩禮。  
退立原班。俟徹饌畢。讀祝官奉祭文出送燎所。  
哀止。鴻臚寺官引朝鮮國使臣等出。衆皆退。  
二月初三日奏准。

陵寢供奉

神牌。若俟中元大祭奉入

饗殿。為期較遠。應照嘉慶四年之例。即於三月二十八

日

升祔吉期。派承祭王一人具朝服行禮恭請。



神牌安奉於

饗殿居左再派在

陵寢辦事之大臣恭請

孝淑睿皇后神牌安奉於右均南嚮照

陵寢四時大祭例讀祝致祭其未奉入

饗殿以前令

陵寢辦事大臣每日照例在

東配殿點香燭供奉至奉入

饗殿後三周年內忌辰致祭應於

寶城前行禮○二十七日奏准

升祔

太廟

奉先殿並供奉

昌陵饗殿神牌於三月十九日書寫埽青。是日請

派大學士上香行禮。○三月初四日

宣宗成皇帝詣

几筵前行清明禮不設

冠服不讀文不焚楮錠恭進楮錢寶花一座饌筵二十

五席羊九酒十五尊照例齊集陳設禮儀與初

祭同○初八日以十一日

梓宮奉移。遣官告祭

天

地

太廟後殿

奉先殿

社稷。○初九日。行祖奠禮。因奉移前一日。故奉改。用楮錠五萬。

楮錢五萬。色楮五萬。饌筵三十一席。羊九。酒十

五尊。鑿儀衛官校陳

法駕鹵簿於大門外。設幕於

殯宮二門外之西。置奠几。設祭文案於

殯殿內稍西。陳燎牀於燎所。具楮幣。內監陳

冠服篚於供牀。恭理喪儀。王大臣。內務府大臣率執事

官。陳果筵於

几筵前。列饌。筵於丹陛兩旁。陳羊酒於幕內。讀祝官奉

祭文。禮部堂官二員前引。由

殯宮中門入。設於案出。悼親王。瑞親王。惠郡王。

皇長子及王公百官等咸齊集。讀祝奠獻。儀與啓

奠同。○十一日奉移

梓宮於

昌陵。沿途分定六程。每宿次蓋造

蘆殿。繒以黃幔。城是日早。鑿儀衛陳。

法駕鹵簿。工部陳。

冊

寶黃亭於階下。禮部內務府大臣恭請香

冊香

寶。安奉於亭內。俟

靈駕啟行時。校尉恭昇在鹵簿後隨行。工部官陳八十

人大輦及三十二人小輦於

觀德殿大門外。其一百二十八人所昇大昇輦。以

城門不能容。於第一宿安奉

梓宮後豫備。所有恭拜

梓宮之夫役。共分為六十班。輪流拜行。首班末班用校尉。餘班俱選近畿精壯民夫。每日用三十班。每班多備四名。第一日仍用八十人。直隸總督率司道府州縣等官管轄。會同京堂少卿以下。科道主事以上。八旗公侯伯以下。雲騎尉以上。及前鋒參領護軍參領。八旗參領副護軍參領副參領。上三旗一等待衛卞五旗王府長史等官。每班各四人管轄。搭彩頭目八人。分為二班。輪擎響尺。節示進退。鑿儀衛官更換指示。後皆所仿此。

有近前行走之王大臣等於大門內東旁齊集。  
王以下滿漢三品大臣以上蒙古王至台吉等  
間散宗室覺羅並三旗包衣渾托和等於大門  
外東旁齊集。四品以下有頂戴官員以上及年  
老不能步行之大臣官員俱在城外關廟內齊  
集。

孝和睿皇后詣

梓宮旁三奠爵。率

孝慎成皇后

內庭主位等。皆於殿內哭拜如儀於

梓宮啟行前二刻出

景山東角門由

地安門先詣第一站宿次

沿途每日均於梓宮啟行前二刻先詣

宿次屆時禮部堂官奏請

宣宗成皇帝喪服詣

梓宮前。祭酒三爵。每祭行一拜禮。眾皆隨行禮。舉哀。恭

理喪儀。王大臣。禮部工部內務府鑾儀衛大臣。

率執事官及穿駕衣校尉進小轎。恭請

梓宮登小轎。

宣宗成皇帝先至大門外東旁立候。



梓宮出跪。

梓宮登大輦。禮部堂官祭輦。三祭三叩興。焚楮錢。

靈駕啟行。

宣宗成皇帝輿在

靈駕左步行。送至

地安門外階下。跪候

靈駕過。

宣宗成皇帝乘輿。由另修路先詣第一站

蘆殿旁備用城祇候。應留京之王大臣官員等。隨行至

關廂外。按翼排班。候

靈駕過時。跪迎舉哀。各散應隨送之。王公大臣官員等。隨行至關廂外。換二班時。騎馬隨行。太監每班十名。侍衛每班二十人。俱分班更換。在

靈駕兩旁步隨。至近前行。走王大臣內監等。皆在

靈駕兩旁騎馬隨行。恭理喪儀。王大臣禮工二部內務府堂官鑾儀衛大臣。俱於

靈駕兩旁巡查。每換班時。隨行之王大臣侍衛內監等。俱下馬跪候換班畢。仍在原處上馬隨行。此後執豹尾槍侍衛隨行。其次帶領衆人之侍衛隨行。又次王大臣官員依序隨行。所過之門橋。派

內大臣輪班祭酒三爵。每祭行一叩禮興。焚楮錢。

靈駕將至

蘆殿。

宣宗成皇帝於黃網城後門外東旁跪迎舉哀候過興隨行。未班之王大臣官員。豫從別路先往黃布城北門外排班。跪迎。

靈駕舉哀候過。從黃布城兩旁牆外至大門外。按翼排立。

法駕鹵簿排設於大門前

靈駕進

蘆殿奉安畢。列

冊

寶於左右。供果卓。

宣宗成皇帝行夕奠禮。祭酒三爵。每祭行一拜禮。衆隨行禮立舉哀。各退。○在途次日。陳

騎駕鹵簿。每日早

宣宗成皇帝詣

蘆殿行朝奠禮。祭酒三爵。每祭行一拜禮。衆皆隨行禮。

焚楮錢。

靈卮啟行。導以

騎駕鹵簿。

宣宗成皇帝於東旁隨行。出東門。於網城南邊跪候。過興。乘輿由另修路先詣第二站。

盧殿旁備用城祗候。是日早。

孝和睿皇后

孝慎成皇后

內庭主位等進

盧殿東北門。於

盧殿內旁聞瞻仰

靈駕於

梓宮啟行前二刻先詣第二站宿次。每晚停止進謁。凡在途之日皆同。所有王公大臣官員等按翼排班俱於

靈駕啟行時跪舉哀候過隨行。至換班處乘馬仍在原處行走。

靈駕將至

盧殿。

宣宗成皇帝率王公百官跪迎如初。奉安

靈駕列

冊

寶及供果筵畢。

宣宗成皇帝親行夕奠禮。

每日俱  
仿此。

○每宿

盧殿前點香鐙及

盧殿前門。各派太監十名。殿內太監候香鐙盡時。將鑪

內火止息出。與前門太監輪班坐更守護。後門亦派太監二十名。看守圍牆。內外豫備激桶八座。由八旗步軍營取用。每旗派章京一員。領催兵丁各十名。每日令各旗擡至宿處。每宿交地方官於

蘆殿周圍設放水缸。滿盛清水。○沿途百里內地方文武官。於路右百步外跪迎。舉哀候過。隨至宿次。黃布城外。行三跪九叩禮。供獻時。文職在正藍旗之末。武職在鑲藍旗之末。隨班行禮。舉哀各退。

皇太后到營後。不拘日期。詣

蘆殿奠酒。○十四日。奏請

欽派王公大臣。恭送

神主自

昌陵啟行還京。奉



殊筆圍出王公大臣侍衛等二十六人。○十六日。

宣宗成皇帝由古解村大營。御素服冠綴纓緯。恭詣

西陵先謁

秦陵

秦東陵次謁

孝淑睿皇后陵寢。行禮畢。至

昌陵更衣幄次。更龍袍龍褂。詣

隆恩殿

孝淑睿皇后神位前。行加上

尊諡禮。禮成後。仍更縞素。回神石莊大營。行夕奠禮。是

日

梓宮前朝奠。王一人恭代行禮。○十七日。

梓宮至

陵除在

陵直班人員外。其王貝子大臣侍衛官員包衣佐領拜

唐阿等。俱在神石山牌坊外跪迎。舉哀候過隨行。是日。

宣宗成皇帝行朝奠禮後。先至大紅門內。幄次祇俟。

靈駕將到時。出幄次在紅門外跪迎。工部豫設梭薦。太

常寺官設拜褥於

靈駕東旁稍後。

宣宗成皇帝詣拜位。恭代

仁宗睿皇帝嚮

祖陵行三跪九叩禮畢。

靈駕啟行。

宣宗成皇帝於東旁親引

靈駕上

神路至大牌樓。

宣宗成皇帝豫詣

昌陵五孔橋恭候。

靈駕至。親引至三孔橋。換小舉時。跪候過輿。隨行。

法駕鹵簿自紅門起迎設。俟

騎駕鹵簿到時。各在本處下馬同行。至

龍鳳門內。自三孔橋排設至

饗殿大門外止。

梓宮由中門入。奉安於

饗殿。

宣宗成皇帝暫避立於

東配殿之南。俟設

几筵列

冊

寶於左右。

宣宗成皇帝詣

梓宮前。祭酒三爵。每祭行一拜禮。衆隨行禮。禮成。回行

營。衆皆退。○是日早。

孝和睿皇后

孝慎成皇后

內庭主位等停止進謁

梓宮。先詣

西陵。恭謁

泰陵

泰東陵次謁

孝淑睿皇后陵寢行禮畢詣

隆恩門外西旁所設帷幔城祗俟。

梓宮奉安

饗殿。

宣宗成皇帝行禮後衆皆退。

孝和睿皇后率

孝慎成皇后

內庭主位等進

饗殿右門詣殿內奠拜畢均回宿次。○是日以梓宮至。

昌陵遣官告祭

秦陵

秦東陵

孝淑睿皇后陵寢並

昌陵后土之神。

永寧山神。○十八日行饗奠禮。用楮錠三萬。楮錢三萬。色楮三萬。饌筵二十五席。羊七。酒十五尊。

法駕鹵簿全設陳

冠服篚於供牀。設祭文案於

隆恩殿內稍西。讀祝官豫奉祭文。禮部堂官二人前引。

由

隆恩門中門入。設於案出。供果卓於殿之正中。供羣

卓於月臺兩旁。反坫涼棚設於

隆恩門內東旁。楮張設於碑亭前空處。悃親王。瑞親

王。惠郡王。

皇長子。

御前王大臣等於丹陛兩旁。王以下八八分公以上

於



隆恩門外月臺上。內大臣侍衛於月臺下。未入八分  
公及滿漢文武官員於東西配房前。按翼排立。  
屆時。

宣宗成皇帝由

隆恩殿左門入。詣

梓宮前。東立西嚮。舉哀。衆咸舉哀。尚茶跪進茶。衆皆跪。  
宣宗成皇帝舉茶奠於案。行一拜禮。衆隨行禮。尚茶徹  
茶。次尚膳進膳。

宣宗成皇帝親上食畢。執事官進奠几。讀祝官恭奉祝  
文於祝案左旁跪。禮部堂官二員左右跪。恭展

祭文。

宣宗成皇帝於奠几前跪。衆皆跪。哀暫止。讀文畢。復於案。傳哭如初。奉爵大臣跪進爵。

宣宗成皇帝祭酒三爵。每祭一拜興。衆隨叩興。

宣宗成皇帝復位立。乃徹饌。讀祝官奉祭文。禮部堂官前引。內監恭請。

冠服篚。宮殿監侍二人前引。由中門出。

宣宗成皇帝豫出。

隆恩殿左門。

冠服至跪。候過興。在後隨行。

冠服至月臺下。內大臣十人前引。齊集之王公大臣官員等按翼排跪。候過輿。在後隨行。於楮堆兩旁稍遠排立。俟

冠服祭文恭安畢。

宣宗成皇帝詣奠酒處跪。衆皆跪。奉爵大臣跪奉爵。

宣宗成皇帝奠酒三爵。每祭行一拜禮。衆皆隨行禮畢。宣宗成皇帝稍後立。東嚮舉哀。衆咸舉哀。奉爵大臣灌畢。哀止。

宣宗成皇帝乘輿還行營。衆皆退。執事官恭請

騎駕鹵簿。同楮錢焚化。○自十八至二十二日。每

日中脯奠。仍由派出之王大臣等輪班奠酒。  
自十九日至二十一日。每日朝奠。

宣宗成皇帝親詣行禮。○二十日。以二十三日

梓宮安葬

昌陵。遣官告祭

天

地

太廟後殿

奉先殿

社稷。○二十二日。行遷奠禮。讀文致祭。陳設饌筵。儀與

饗奠同。祭畢。

冠服楮錢暫止焚化。

宣宗成皇帝詣更衣幄次少俟。所有齊集王公百官。仍於原齊集處排立。王大臣帶領執事人等。恭奉梓宮登小輦。禮部堂官奏請

宣宗成皇帝詣

梓宮前哭。祭酒三爵。每祭一拜興。衆隨哭叩興。執事人等恭奉

梓宮由中階降。循殿東行。入

陵寢中門。

宣宗成皇帝於左旁親引上平臺。至

蘆殿內。詣東稍間少俟。奉安

梓宮於

蘆殿正中北嚮龍轎上。徹小舉。設

冊

寶於左右案上。禮部堂官奏請

宣宗成皇帝詣

梓宮前。祭酒三爵。每祭行一拜禮。衆隨叩興。

宣宗成皇帝由左門出。乘輿還行營。執事官恭請

冠服儀仗。至楮堆處一同變化。○二十三日朝奠。

宣宗成皇帝親詣行禮。○是日。王公大臣官員等俱齊

集。派出奉

冊

寶之王貝勒等。恭奉

仁宗睿皇帝尊諡

冊

寶於北首第一位左右石几上。次奉

孝淑睿皇后舊供

冊

寶。又次奉

孝淑睿皇后加上

尊諡

冊

寶。先均添設石几二分。屆時。

宣宗成皇帝入

隆恩門東門。由

隆恩殿東旁行。入

陵寢門東門。詣

梓宮前哭。南嚮祭酒三爵。每祭一拜興。衆傳哭隨叩興。

宣宗成皇帝躬引



梓宮御龍輜。執事者奉輜由軌道入

地宮。太監執鐙前導。派出之王大臣等隨入。敬視永安

於

寶牀上。執事者以龍輜木軌出。敬封石門。大葬禮成。

宣宗成皇帝於祭臺前哭。祭酒三爵。每祭一拜興。衆皆

哭。隨叩畢。哭止。

宣宗成皇帝至幄次。更龍袍龍褂。俟

隆恩殿陳設俎豆牲牢畢。禮部堂官奏請

宣宗成皇帝詣

隆恩殿行恭題

神主禮。鑾儀衛豫設黃輿於

隆恩殿丹陛上。執事官設

寶座於殿內正中。前設供案香案。設題

神主案於香案東旁西嚮。黃緞枕褥具。再設一案於東

旁稍次。安放帛爵。設祝案於殿內稍西。又設一

案於

寶座旁南嚮。啟櫝大臣恭請

神牌連櫝奉安於

寶座旁南嚮案上。讀祝官奉祝版設於案。太常寺官設

宣宗成皇帝拜褥於正中。恭題

神主之滿漢大學士二人朝服入俟。執事陪祀隨從各官俱蟒袍補褂。豫備畢。贊引對引官恭導。

宣宗成皇帝由

隆恩門東門入。詣拜位北嚮立。鴻臚寺官引王以下公以上。由東西臺階行至丹陛上。文職五品以上。武職四品以上。在丹陛下。按翼排立。奉櫝大臣進。啟櫝。奉

神主恭安於東案西嚮。倚供於黃枕褥上。大學士二人詣案前東西行一跪三叩禮興。就題

主位東西立。恭題

神字空處題畢起奉

神位於案上行禮如初。

宣宗成皇帝恭奉

神位安奉於正中

寶座上。行一跪三拜禮興。乃行虞祭禮。上香讀祝三獻。

如大饗儀。禮畢。禮部太常寺堂官嚮上跪。奏請

神主升輿詣

太廟祔饗。奏畢。贊引對引官引

宣宗成皇帝詣

寶座前。行一跪三拜禮。

宣宗成皇帝恭奉

神主興。安奉於黃輿內。太常寺豫設拜褥於黃輿前。

宣宗成皇帝就拜位行一跪三拜禮興。避立東次。校尉

恭拜

神輿行前列

御仗二對。黃蓋一柄。禮部堂官二人同前引。十大

臣侍衛二十八人前引。領侍衛內大臣帶領侍

衛班領執豹尾槍侍衛在黃輿後。

神輿由中門出。

宣宗成皇帝由左門出。跪候過輿。詣更衣幄次。換青長

袍褂。冠綴纓至升輿處升輿。由間道先詣宿次  
恭候。

神輿出大紅門。所有前引後扈大臣以及執事各官均  
更換藍袍青褂。冠綴纓緯。乘馬依次行走。

神輿至宿次。供奉於黃幄正中。前設供案香案。執事官  
陳果品十二色。供酒三爵。禮部太常寺堂官奏  
請

宣宗成皇帝詣

神位前行禮。恭引

宣宗成皇帝入黃幄。就拜位立。奉香官舉香盒進。至香

案右立。

宣宗成皇帝詣香案前。奉香官跪進香。

宣宗成皇帝跪接香盒拱舉。仍授奉香官興。就拜褥上。

行三跪九拜禮。

此行禮時。王公百官不隨行禮。每日仿此。禮畢。恭導。

宣宗成皇帝出黃幄。至升輿處升輿。還行營。○是日。以

山陵禮成。遣官告祭

泰陵

泰東陵。並

昌陵后土之神。

永寧山神。○二十四日。執事官於

神位前。供酒三爵。禮部太常寺堂官恭引。

宣宗成皇帝詣黃幄內。上香。行一跪三拜禮。出黃幄。立。

東次。執事官徹香案。供案。鑿儀衛官領校尉恭。

拜。

神輿行。仍前列。

御仗黃蓋。前引後扈如初。

神輿出。

宣宗成皇帝跪。候過輿。至升輿處升輿。王公百官於網。

城外。各按翼排跪。候過隨行。

宣宗成皇帝先詣宿次。祇俟。



神輿至。安奉畢。行夕奠禮如前儀。每日朝夕禮儀仿此。沿途百里

內文武各官俱朝服。於百步外跪迎道右。至晚

詣黃幄前叩謁。行三跪九叩禮。每日皆同。○二

十七日。

宣宗成皇帝回京。應用服色。先經奏准。照嘉慶四年御

尋常袍褂。冠綴纓緯。所有隨從大小官員。俱穿

常服。不挂朝珠。其接

駕之王公大臣官員等。亦穿常服。不挂朝珠。○是日早。

宣宗成皇帝由黃新莊行宮詣

神牌黃幄。行朝奠禮畢。先還宮。候迎

神輿夕奠。及次日朝奠。遣王一人恭代。上香行禮。○二

十八日。

神輿至京城。由阜城門入。隨從王貝勒大臣官員。俱朝服隨行。在京滿漢文武大臣官員等。俱朝服跪迎於

大清門外。

宣宗成皇帝具禮服出宮。

午門鳴鐘。出入不作樂。

宣宗成皇帝率諸王貝勒貝子公內大臣侍衛等。俱朝

服跪迎於

端門外。俟

神輿過隨行。

神輿入

太廟街門中門。

宣宗成皇帝隨入陪祀王以下各官按翼隨入乃行

升祔禮。○七月十一日奏初周年禮節奉

旨。尚膳進湯飯時。朕仍親上食。○又奏准三周年內忌

辰祭文。由翰林院撰擬送部。三周年後翰林院

奏准成式。交

昌陵禮部永遠遵用。○二十日

宣宗成皇帝啟蹕詣

昌陵行周年禮。值大雨。改於二十二日。

啟鑿。至黃新莊。復值大雨。阻水不能前進。於二十四日。

還京。派瑞親王前詣。

昌陵恭代行禮。○二十五日。行周年禮。豫於

昌陵明樓前。搭造平臺。戲橋。張黃幄。安

冠服。篚於供牀。設站卓於臺上正中。設祭文案於階上

之西。設幕於

隆恩殿東旁。列羊酒於幕內。陳燎牀於牌樓前空處。供

案中添設。

孝淑睿皇后湯飯匙箸一分。禮部堂官恭奉祭文。由

陵寢中門入。設於案。承祭王及王公大臣官員。均青長

袍褂。帽摘纓。屆時。齊集舉哀。行禮讀文奠獻送

燎均如儀。○二年三月十四日。

宣宗成皇帝親詣

昌陵行清明敷土禮。前期一日。恭謁

泰陵

泰東陵

昌陵。

陵寢工部官進楮錢寶花一座於

昌陵

隆恩殿。敬謹供奉。取潔土盛筐以俟。屆日。

宣宗成皇帝服縞素。隨從之王公大臣官員等。均素服去冠纓。行禮如儀。○四月初一日。

宣宗成皇帝恭詣

奉先殿於

仁宗睿皇帝神牌前讀祝致祭。○七月二十五日。豫遣

親王恭詣

昌陵行二周年禮。在京王公大臣官員。派三分之一之半前往齊集。屆時。陳設饌筵各祭物如數。王以

下均青長袍褂。冠去纓緯。禮部堂官恭奉祭文

進

隆恩門中門。由

隆恩殿東旁行。入

陵寢門中門。恭設於案。在

陵之大臣官員。在東西兩配房前按翼排立。承祭王進

隆恩門西門。由

隆恩殿西旁行。入

陵寢門西門。於黃幄外西旁東嚮立。舉哀。衆咸舉哀。奠

獻讀文行禮。恭送

冠服篚於燎所。祭酒畢。各退。○十月初四日。奏進

親詣

昌陵行釋服禮儀節。奉

旨。進湯飯時。朕仍親上食。○十九日。

宣宗成皇帝率

孝慎成皇后恭詣

昌陵。行釋服禮。前期一日。恭謁

泰陵

泰東陵

昌陵。屆日。詣



昌陵寶城前讀文致祭。齊集陳設祭筵各物如儀。王以下滿漢官員咸青長袍褂冠去纓緯。守護

陵寢之貝子福晉大臣官員命婦包衣管領下婦女等

於

方城前月臺下西牆角齊集。

宣宗成皇帝於進湯飯時親上食畢。派出之釋服大臣  
恭請釋服。

宣宗成皇帝跪釋服。戴纓冠。哀止。衆皆跪。綴帽纓各哀  
止。禮部堂官恭導

宣宗成皇帝乘輿還行宮。

孝慎成皇后是日來輿先詣

隆恩門外西旁更衣幄次俟設饌筵畢。

陵寢內務府命婦恭導詣

寶城前東幄內祇俟。

宣宗成皇帝奠酒行禮時。

孝慎成皇后隨行禮祭畢恭請

冠服篚出時。

孝慎成皇后跪候過輿俟

宣宗成皇帝詣楮堆處奠酒行禮時。

孝慎成皇后於黃幄內隨行禮禮畢派出釋服命婦恭

請釋服。

孝慎成皇后跪釋服。帶金耳環。衆皆隨跪興。  
陵寢內務府命婦恭導。

孝慎成皇后乘輿還行宮。○三年七月二十五日。豫遣  
皇長子敬赴

昌陵恭代行禮。祭品禮儀與二周年同。